

弱

水

集

弱水集卷九

七言律

蒲城屈復悔翁昔

曾孫來泰志同錄

長洲馬

璞授晴

受業仁和王

筠松友

武陵陳長鎮宗五

評

同邑後學劉有澤賓王

校

長安懷古十首

未央芳樹夢勾留馬踏香泥訪古遊雲自飛揚歸故里  
雨沈宮闈冷神州蓮花不謝仙人掌春色飛來賣酒樓  
猶是當年新日月末光閒照水東流

三山縹緲洞天空辟穀何妨逸世功萬古雲霄雙凱鳳  
五湖烟月兩冥鴻遊仙我慕赤松子流水今無黃石公

莫問高飛生羽翰曾聞滄海起英風

浪泛桃花無葦杭雲迷長樂雨聲涼少年偶聽頭堪白  
春暮如流水自黃芳草叢生思漂母杜鵑愁斷哭真王  
徒令心向塵埃盡百二河山日正長

淮陰有蓋世之功而死非其罪大史公作本傳意言未謀叛逞此詩全是此意却一字不曾說出

刀筆方投宇宙新經過此地爲誰論歌驛血染難勝鹿  
烹狗功高不盡麟草藉長楊成獨坐花飛細柳又空春  
龍爭虎戰尋常事一代儒冠有幾人

腹笥成虹莫燎餓衣冠奇偉亦吾師坑灰已冷空東魯  
陵谷新遷長紫芝碑蝕名存餘徑跡雲封山斷至今疑

更教羽翼休相待玉洞桃花恐不知

天近興平心獨往地通沙漠幾時登行人病渴無窮事  
渭水春深有飲永驥裏蹄輕芬霧轉駿儀羽重曉霞蒸  
仰令不下輪臺詔風雨空山拜茂陵

剛風如見動星文異代安能儻作羣尚有不冠武皇帝  
漫言長揖大將軍仙人夜捧三春露宮闕朝開五色雲  
何福堪消愚慧目蒲陶天馬正紛紛

平陽仙館化耕農上苑奇葩露重驅馬獨來尋故事  
牧羊無處問遺蹤亂雲陰過清明節春夢烟高野寺鐘  
徃古塵埃難自料如何骨相是侯封

中原鹿走同誰逐白水龍潛一作興未可攀秋日女華春  
日柳秦時明月漢時關唐句數奇飛將駕駒下萬里封侯  
指顧間行到霸陵應痛哭往來射虎傍南山

明妃怨恨古今殊滿目河山漢故都九陌近通青塚路  
黃沙不盡一生孤塵迷夜月魂難靖語作琵琶畫得無  
昨日拂雲雪如掌東風吹遍覆春蕪

少陵詩外能別開生面

雲月

圓月明時雲未浮美人理瑟正當樓忽迷玉指潛移柱  
方捲珠簾欲上鉤織女機邊絲縷亂黃姑渚畔細波流  
最高天在星河外不隔魚鱗幾片秋

選情遠韻

私懷

簾垂虛館月三更  
影入秋池香氣清  
冷落藕花原不染  
孤依桂樹豈無情  
絃彈寡鵠絲先斷  
圖畫寒蛩那亦鳴  
只有夢中相見分  
私懷猶恐未分明

紅豆

囊繡緋絳紗教貯淚  
封留紅豆種相思  
曾聞花外流鶯語  
偶被池邊宿鷺窺  
半吐香蓮安得藕  
一枝烟柳不成絲  
定知天上情難盡  
獨倚書窓暮雨時

秋槐

露滴秋槐老樹根  
一枝先掃鳳巢痕  
長宵倚月全無影

盡日焚香不返魂憶折黃花通小院遙看紅葉隔重門

此情便結三生石總得春風亦斷猿

登華岳

四首

珊瑚鐵鎖響晴空千仞烟霞載上宮近攬明星珠作水  
回看瀑布氣如虹乾坤忽墮三峰下日月都歸白露中  
嘗恐無由通帝座蓮花香裏御天風

物換星移今古尊獨雄五岳俛兒孫兩來岣嶁雲流地  
水落扶桑海合源秦塞河山咽北極漢家陵闕對西崑  
萬靈何日朝金鼎紫翠通天自有門

東南暗寫

西北明寫

洗頭綠跡盈猶在博箭清虛跡未荒松檜雲飛成紫氣

芙蓉露冷盡瓊漿道人閒說神嘶馬樵子曾傳玉化羊  
靈爽不關塵世事瑤池仙草漫聞香

下界徒知削不成首陽中斷獨移情天流星宿朝仙掌  
地湧蓮花鑄帝城秦勢自封邊草暮朔雲能度漢關行  
高皇紀夢文猶在還取江南作玉京

明太祖有御製夢遊西嶽文

賞菊

山行歸晚投村舍宿數人方賞菊若吟不爲禮予請韻成詩乃置酒盡歡而去

夜坐東籬抱膝吟孤村偏賞旅遊心秋濃三徑清風遠  
月出空山白露深此夕偶來非冒雨閒園同掇有知音  
主人醉我茱萸酒不對寒香思故岑

深得菊之情性

春雪

柳外流鶯啼欲闌秦城風雪忽漫漫穿花細落打窓紙  
帶雨紛飛沈藥欄同賞艷陽應盡醉獨耽清韻不知寒  
山青水綠新如此別有春情萬里看

閒眺

寒餘北嶺明殘雪叫過南灘雁斷雲山縣春遲花未發  
野塘冰泮水生文才微道狹黃農遠年少身孤皂白分  
大纛高牙喧鼓角靜消烽火壯終軍

春日偶過山村留飲

空濶壯懷江海客動來鶴侶靜林泉酒留村舍香無度  
月上梅花醉未還盜賊縱橫誰劖俠文詞剽竊盡書仙

無邊桃杏紅將放人在春風二月天

結言時未晚也

唁菊

有序

唁菊哭父也父性好菊東籬手澤秋色爛然人  
痛劬勞之恩花懷灌漑之德敢謂草木無知耶  
白雲花放帶秋陰歲歲茅堂對素心更得何年籬下醉  
能忘他日雨中尋幽香暗結因風冷華表應歸向夜吟  
若比蓼莪與佳色落英清露一時深

謁張橫渠夫子祠

郿縣

斜谷空明積雪光臯比擁座仰遺芳運離寒色凝天地  
門掩春風起棟梁北斗高懸三古後南山直上五雲傍  
何時方掃孫吳跡重奠平生一瓣香

王母廟

七日龍鸞未可憑終南遺廟白雲層階前古柏寒無葉  
門外瑤池積有冰秦地山河留落日漢家簫鼓見孤燈  
如今應是蟠桃熟風雨何人病茂陵

杜詩落日  
留王母

閒步

閒步無心過板橋秋風吹我上嶕嶢漢家戰壘長安近  
呂望垂鉤渭水遙牝牡驪黃輸歲月雌雄黑白混漁樵  
霜前溪柳如新綠松桂何曾識後凋

閑邑乘有感十首

急流直瀉亂峰懸世守扉柴二十年未點衣冠新歲月

虛生周漢舊山川  
村墟棋布徵繁庶賦稅金多過百千  
邑正糧銀十一萬餘兩  
難稅火耗並十四萬餘  
遙想乾坤開闢後中原十室有名賢

漢唐文物盛咸秦此邑流風結往因  
伯起講堂連北境游平清節實東一作西鄰五陵佳氣終難極  
邑有唐五陵九里  
高城合有人但見鬱葱長在目羹調鼎鼐愴心神

漢實寫唐  
虛寫有法

蓮花直向古城開舉首青霄紫氣來  
暑敵江南多雨雪寒於塞北勝風雷  
邑夏則極熱冬又極寒地氣甚不可解  
老古柏森森劖戟廻東有汾陽西衛國陣圖方見濟時

才

天開雅頌近王都歷代鍾靈慕碩儒兩漢創爲新樂府  
三唐誰奪繡蝥弧溫塘風月流堪浴溫塘在邑東四十里非臨潼溫塘  
桑落山川酒可沽今尚造桑落酒寓客曾來少陵老至今城郭  
一祠無

已自夔龍空事業何妨班馬少光輝烟霞可置蓬蒿徑  
泉石難容隱逸扉架上詩書高萬卷囊中琴瑟挂金徽  
鳥飛不倦憐風節雲出無心富蕨薇

甲第巍科重至今寒窓燈火待知音中秋丹桂野田草  
三月桃花天雨金唐宋以來空玉樹明清之際實瓊林

折腰五柳多歸去宦海風波萬丈深

吾邑科目近頗盛然一仕州縣輒罷

去至府道者僅二三人

西南農畝瘠堪耕東北泥沙稔亦輕竭力終年猶凍餒  
揭竿幾度枉焚阨民貧徹骨心無怨賦重如山勢自傾  
不恤孤寒薄輸納潢池徒使弄戈兵

桃花浪湧遠天愁疏鑿龍門尚穩流況復堯山只十里  
長令漆水隔千秋決渠爲雨功難再荷鋤成雲企未休  
定有高人繼禹續削平土石引靈湫邑無木田白水縣南河卽禹貢漆木也鑿堯山土石十里可灌附郭

田無數頃吏憚大役無肯言者

鎔金難鑄石泉形鍾毓何勞怨効靈松柏如生寧擇地

神明自昔降流星羣山亂落如奔馬洛水橫飛勢建瓴  
雪浪遙通清渭碧晴嵐長共岳蓮青

忠孝高深思未寒詩書悟徹見才難地靈應日星辰轉  
氣毓橫秋月露溥清渭潛龍將入夢玉門飛虎舊登壇  
奇文彩筆尋常事逸世風雲此後看

周漢以來將相文學無甚著者隱逸亦少近惟科日  
頗盛而仕籍多躡况賦重地瘠不思開水利而徒怨  
地不効靈故致歎才難而望後世也

滕王閣懷古 社題同用春字

檻外江流閣上人清明時節隔咸秦無風送客空文藻  
如此憐才痛鬼神秋水長天應似舊珠簾畫棟幾回新

恍然花落揮毫處九日遙情倚暮春

洛陽懷古

四首

幾番花信怨流鶯散入春光動洛城楊柳向人添翠色  
澗瀍經雨換新聲荆灰棘燼銅駝巷雲靜香消夾馬營  
欲攬東風付流水風高激水正飛清

異代蕭條奠角巾三川誰與步清塵吳公曾是風流守  
賈誼原非社稷臣山表龍門開闢塞水連仙渡接靈津  
如何一谷櫻桃樹日暮花飛不見人

天清河岳晝飛香立雪曾聞有塾堂月出三川通氣象  
日懸數仞見宮牆定知佳氣生芳草遙識春風起白楊

邊患不生憶司馬中原坐鎮太陰鄉

瓦礫紛紛雜刲灰土花隱隱繡雲臺  
鱗青魂逐乘龍去山黑風翻送雨來  
創業勲高愁更遠中興望重景猶開  
餘輝近在黃流外平楚蒼蒼晚照催

往往從淡處見意

旅懷

三首

單衣短劍出幽闊二月芳菲滿目斑  
花氣西來風雨路烟光東走蕨薇山  
商南耆舊今誰在圯上英雄去不還  
一片孤雲登廣武中原春色有無間

積雨空林曉乍晴琴書猶滯洛陽城  
竹籬茅舍非鄉語草色花香動客情  
滿眼河山悲日暮舊時門第喜風清

泥途甲子容跡放家在秦川古帝京

洛水西來浪颺沙梁園東望亂飛鴉幾時方覩候生面  
何處能尋劇孟家蓬戶已荒三逕草禪扉空閉一春花  
相逢未有真愁侶同上高樓聽暮笳

洛城北老子廟

即唐玄元皇帝廟

上清宮冠翠雲峰瑤海蓬萊第幾重古屋烟嵐成紫氣  
深山日月老猶龍靈風過水生幽籟仙鳥啣花出怪松  
養拙於今更何處雕梁繡戶一聲鍾

賈太傅祠

太傅祠荒白日曛貧遊漒澗沐芳芬於今前席無宣室

自古憐才有漢文卑濕風清芳草路蘋蘩雨長故山雲  
蕭條異代同心淚君哭三閭我哭君

昌黎祭田橫墓文同法

秋懷八首

天高風急雁無行水濶山空東大梁星海波寒烟釀雨  
蓮峯露冷月凝霜故園楊柳愁中落他日茱萸夢裡香  
長笛一聲先到枕遊人九月未還鄉

虞卿多難葛衣寒雨冷椿枝淚未乾燕領誰教貪氣象  
鷄香空自致凋殘遙看標莽茫茫月忽聽風沙響急湍  
秋去秋來一杯土白華遺恨夜漫漫

漢代桑田近代廬九垓何地置琴書尋常閭巷開新第

百二河山冷故居世掌銀臺閒似鶴家傳萬石食無魚  
清秋燕子還歸社古樹蕭森夕照餘

黃花香裏夜留賓擊鼓爭傳石凍春涼露淡烟迎曉日  
疎簾清簟靜紅塵山林有主龍長臥湖海無才鶴未馴  
不肖翻慚蕭相國故園松菊傍何人

萬里天風一葉萍少年春色易凋零黃鸝紫燕芙蓉帳  
綠酒紅燈翡翠屏露渡銀河香細語烟生玉樹月移櫓  
往時北斗欄干下此夜寒蛩不忍聽

日落夷門夕霧黃平臺艮嶽鬱相望天垂斷壑低霄漢  
秋抱高城入混茫渭水泰山連塞遠紫萸黃菊逐時香

五陵遊俠多年少爲吊侯生過大梁

清渭東流無限情天津橋北有逢迎山中疲馬忽千里  
寺外鄰雞動五更愧我鬚眉京兆府照人肝膽洛陽城  
何堪兩地俱惆悵秋草秋花白露生

秦塞天清太華山直西蒼翠擁函關昆明池上櫬檜落  
紫閣峰陰鼓角閒庾信文章蕭瑟裏魯連功業海雲間  
遙看灞上垂楊路日月龍光自往還

遲孫扶蒼方允初不至

夕陽結彩半香臺花逕禪扉幾度開秋靜風雲星早出  
巢多松柏鳥初回細看如水芙蓉劖聊引澆書漱灑盃

不解瓊林雙玉樹此生何事走塵埃

生硬雄健七律中屈鐵手

朱仙鎮岳武穆祠

三首

萍水乾坤在網羅精忠祠上倦遊過有靈識我當除拜  
嘗痛班師向壁呵雲渡岳蓮橫白日氣蒸春雨渡黃河  
平生鳥盡弓藏恨剩此松風奏凱歌

不抗金牌莫論功中原遺澤未全空映堵碧草能爭戰  
繞汴烏鳶見總戎伏臘尚如留父老燕雲猶解薦春風  
二處  
有祠倚欄惆悵書生事向北羣飛叫塞鴻

古鎮重陰氣不消猗蘭宮殿草蕭蕭黃龍痛飲誠多事  
白馬空嘶又一朝畫壁英靈來颯爽禾田陣壘鬱峩峩

鶯花如此迷天地欲去西湖賦大招

弔古能於題外有餘意

贈隱者

冬春之際一追攀至慎能狂懶自閒籬菊放遲佳節過  
嶺梅香早小春還共知阮籍惟耽酒誰信嵇康不愛官  
醉月迷花並風力別開天地在人間

夢中作

有序

甲戌臘月夢帝御筆除主領文昌宮兼北斗事

方悟非人間世辭不允久之命獻早朝詩非字

韻帝覽墨笑曰且塹去旣出雲霧遮道大驚而  
醒嗟乎何不祥如是豈將死耶詩錄於後

通明宮殿啓金扉聖帝臨軒錫布衣喉舌由來天上貴  
奎文寧止世間稀龍騎雨露恩偏早鳳御風雲日尚非

但受榮名空暫去萬年宸翰有光輝

遙送舍姪敬止旅櫬歸葬秦中愧其老死他鄉有  
負夙諾缺爲執引情見乎詞

壻也昔來蕭寺間今冬曾說葬函關那知風雪偏余阻  
却望冰霜送汝還一櫬遙經西洛水孤魂哭過北邙山  
無財未定成行否漠漠寒雲野外閒

骨內至情一字假借不得

大梁懷古

四首

戰壘何年浮艮嶽黃河流恨滿春心新封城郭經滄海  
舊事村墟過綠林泉下人言廬舍在野中烟比水雲深  
卽看大道驚風動白日揚塵漸欲沉

易刀集  
梁園不散古時烟草色平空客未還驛路已經日風雨  
荒城空信漢山川梨花飄雪香浮地柳絮凌雲月漲天  
人世韶光有前後一時詞賦蕊宮仙

蘭杜花開香滿塍遊人到此感偏增鵠飛不下翔遙海  
蘋薦誰聞到信陵市上晨光停轡日雲中獵火著書燈  
何能再見高皇過汴水春風有斷冰

懷劉伯容仲昭仵維天

已教芳草誤歸遲又被流光染鬢絲骨肉俱空何所戀  
滄桑自至不須期碧桃屢謝江頭葉丹桂猶無月裏枝  
惟有鶯鳴金粟樹心情常似早春時

大行山

節過清明結素襟大行峯頂獨登臨兩河花柳春方麗  
三晉山川雪正深愁外鬱爲天下脊望中斜控塞垣心  
王毛已見猶疎放時聽烟嵐鶴在陰

寧鄉官舍雪夜分韻得春字

亂山廻合繞城闉山半堂高雪氣新遠望漸明松際影  
紛飛偏集歲寒身十年長事袁絲少千里相思淑夜真

莫問梅花香發未甘心不在艷陽春

汾陰祠

春到汾陰鴈度遲  
心知武帝有荒祠  
方來霜葉雪花日  
已過菊芳蘭秀時  
簫鼓聲中鳴玉珮  
山川影裏繞旌旗  
白雲曾與東流水  
並向秋風見漢儀

月夜過濟寧舟中望太白樓

秋宵流水繞孤城  
城上高樓映水明  
新月爲釣何處在  
扁舟咏史不勝情  
星飛粉蝶兼雲度  
風過朱欄接樹鳴  
曾是謫仙沉醉處  
碧空無際鴈南征

登太白樓

大雅樓高望古情長河如帶自任城一時狂客風流遠  
萬戶封侯感慨生一作青蓮一去風流遠自重來感慨生環海帆檣由故道各天欵乃換新聲茫茫誰記調羹事賀監湖中水更清

掛劍臺

掛劍遺踪獨愴神三冬弔影逕河濱生前然諾今誰踐  
墓下心期昔尙論枯草衝星瞻紫氣臺有草葉似劍名劍草朔風吹雪戀清塵那能便上輕舟去臺上光寒月色新

舜廟

耕稼人懷虞帝基歷山一體二妃祠階前斑竹湘江色

松際愁雲太古姿清冷井泉還舊處成平天地是何時  
重華已去夔龍少遙望蒼梧有所思

登岱五首

天門直上三千丈回首蒼烟十二州靈露如珠春自動  
蔚藍倚杵翠同流下窺明月婆娑盡趺坐蓮花汗漫游  
自識吳闐真馬練雪山蓬島一浮漚

方知神秀鬱岧嶢青帝高居壓碧霄下界輕雷風雨過  
層雲如蓋鬼神朝羣山北面紛羅列終古東溟靜动摇  
松柏有聲催代謝徒令空際奏簫韶

蟬蟲猛獸知靈異

一作靈蜃

谷飲崖棲半列仙一夜輕風

吹碧落諸峯瑤草上青天松枝鱗老秦時甲柏葉香清  
漢代烟更肯塵埃携素手何如鶴鹿種芝田

日觀夜懸明月冷桃花春向碧霞開陽烏陰免終無計  
玉几金牀合自來河信奔流分帶礪雲仍觸石起風雷  
有靈乞我崇朝雨徧灑青霄洗刲灰

漢唐聞道駕雲駢望滿春心跡未冥探策何天非勝日  
磨崖當晝落殘星氛埃曉霽三霄碧宮闕雲飛一氣青  
封禪曾經七十年功成消息問坤靈

登千佛山

日隔南山迥未通陰陰蒼翠滿寒空亦知崖谷延西旅

無限樓臺受北風千佛莊嚴多石罅十年踪跡半花宮  
歷城燈火黃昏後只有明湖在眼中

登海山亭

萊州卽南燕  
慕容德燕臺

燕臺亭子鎮提封水氣嵐光望欲融此際亂雲陰日月  
何時春浪變魚龍心疑四面長環海目斷三齊盡抱峯  
割據於今成往事石欄干外郡樓鐘

登望海樓

萊州府

浩渺連空宿霧多高樓殘照復如何潮生一氣青浮蓋  
雲擁三山黑似螺蓬島果能成晝夜仙人寧不厭風波  
幾時異域舟航遠無盡滄溟靜裏過

鄒城八景有序

余二十年流寓鄒邑溪山佳勝處遊覽殆遍壬辰重修邑乘同人以八景舊題多未典切屬余撰次左如

望海樓朝霞

城東南三十里馬陵山顛一峯員峭巘峙結爲石樓世傳孔子登此望海日出時紅霞建標遠起蓬島近接嵐光

半壁雲開海宇清石樓峯外日初生嵐光浮動朝蓬島霞氣飛來過赤城不辨青紅鎔曉色安知山水有真情每登絕頂空搔首欲駕天風破浪行

石門夜雨

城東北五十里衆山環翠巨石坪開青椒兩壁  
夾立成門俗傳子路宿處一溪貫中東注永夜  
瀟瀟如聞雨聲

石上雙峯咽碧流石門宿處雨颼颼天連蜀道郎當驛  
人在湘江遠客舟明月有聲光欲濕涼風吹夢意兼秋  
晴嵐不鎖潺湲水一夜瀟瀟送旅愁

仙洞雲壑

城東南三十里山開一罅由吾洞口澗長數里  
上懸石壁峭拔空青下橫深潭澄清徹底遙岸  
參差相對巒崿

阻絕微通鳥道

洞口奔流掛紫烟土囊入澗石空懸溪橫斷壑深無地  
谷轉奇峯忽有天蓮葉風生龜山曝松花雨落鶴飛還

求仙亦是英雄事負此雲山二十年

禹王臺柳鶯

城東七里禹王臺畔長堤橫臥萬柳參天春日綠陰颸水雪浪薄雲坐聽鶯鳴笙簧流韻

禹臺柳色繞長河黃鳥啼花白雪多宛轉無心逢麗日風流遺韻似靈和暖烟疊翠飛如織春水傳聲解是歌不負雙柑兼斗酒遙隨十里颺烟波

沂水春帆

城西二十里沂河西流林木夾岸葱鬱面接下邳春明桃李影照清波客艘乘風競渡錦帆躋

颺映花錯繡

沂河桃李布春暉無數舟連畫尾歸夾岸林花啞日落

滿天帆影帶香飛水轉山烟隨欸乃村廻鳥路入芳菲  
行人誰問仙源路只有漁郎坐釣磯

白溪秋月

城北十里白馬溪繞頤蓋亭而西既渡石橋濶然渟滀瑩潔紺寒淵無潛石淺鏤沙文白露涓涓  
渭溪月同色一碧無際

坐臨秋空光有別暉

涓涓秋水湛盈堤客夜關心桂影低碧玉初澄山縣北廣寒只在古亭西雲隨光淡閒方定星與波平靜欸迷斷岸連天白成路虛無如接故園溪

紅崖古梅

城西南四十里紅石崖右臨沂水高嶺橫岸古梅一株十尋及腹旁枝如椽故老傳三百餘載

花開如雪村是糴浮  
斜月黃昏色成香國

幾時春到古寒梅每過清明始盡開多以違時嫌老樹  
若爲乘月訪仙才香從上界聞人世花自何年抱雪胎  
沂水東邊村舍酒孤根應結夢魂來

龍門桃浪

城東十五里禹鑿山口以通沫水木經注又南  
經陵山卽此嶄然雙闕勢逼河津二三月桃花  
水發則千崖萬壑爭赴一門洶湧澎湃驚濤萬狀山嵐水氣鬱作奇觀

桃花水泮海天昏萬壑千山赴一門但見烟嵐浮水氣  
惟聞風雨撼雲根魚龍欲化何論地波浪能飛不在源  
時可朝宗原有性吾鄉星宿瀉崑崙

無題 分韻

西闌蝶畫欄東只恐殘香落滿叢  
賴有輕烟遮夕路何言流水信春風一時心冷冰壺裡幾度絲紛綵結中  
抖得自來還白去月明誰鎖紫深宮

歸舟

新月漸低星漸白接天湖水一歸舟光輝露重斜昏眼  
波浪風高逆打頭意與落花同泛泛身如斷梗自悠悠  
到時更漏知深淺獨向樽前感昔遊

重到鄴城杜元理話舊

鶯鳴桃李舊園林還向亭臺聽好音九折坂成遊子路

百花香結故人心皆疑芳草爲蕭艾却恐齊竽勝瑟今  
今日貧猶餘一劍酬恩誰是信陵深

聞敬止旅櫬歸秦後基琚二子相繼物故痛定思

痛鉗心噉臂涕泣無從二首

鳥雀不鳴紅日晡忽聞飛雪折雙梧低空西望雲先斷  
淚雨橫流海欲枯父子五年三婦寡弟兄兩塚一兒無  
馬陵道遠傳難信早寄傷心到故都

期誰先後疑難定明見形容病共蘇死果有靈隨夜雨  
魂能覓我遍寰區一身湖海萍流轉金粟松楸墓有舞  
扶櫬同歸天莫問炎風千里盡霜蕪

再哭姪孫琚

我死倘能留汝在一經猶可大吾門如何明月先沈海  
剩此餘生亦斷魂炎暑雲蒸鳥欲墮前書開篋字偏昏  
孤身流落荒山道曾似黃泉有弟昆

友人夜話

石渠珠樹久堪攀仰看屋梁猶閉關焉用文之將汨首  
恐不免耳且青山交情踪跡知誰密銀燭經過見跋還  
同去登高又三日平臺賓客望君閒

謝友人贈書

少好猿公術未深老知馬革福難任空多咄咄皆閒事

腹不便便費苦吟藜火每慚虛雪夜流螢有夢過書林  
書肆皆自標曰書林秘厨忽逐千山路斜日休言一寸心

題冰雪集後

貧疑如我絕人羣細讀君詩更念君八口遭逢如介石  
五湖烟水幸孤雲風昏燭燼蛩猶在戶咽溪聲鶴共聞  
莫怪侏儒飽欲死滿天冰雪感斯文

萬九沙約看梅花

梅花約在久相須佳節同看興已孤白髮禁春多十載  
清光如水滿西湖倦因雞肋浮滄海嘗過猪肝厭遠途  
得卜新居稱二老年年酒與暗香沾

獨步

村西蓑竟冷秋顏獨步方知游理閒溪水碧於花放日夕陽紅自雨餘山鳥謀遺粒飛仍落樵戀柔薪往復還看盡牛羊飽歸去一聲鶴唳過雲間

悼馬

有序

馬白質黑章余往在京師人謂稱德  
己亥秋一夕而鑒詩四首代敵帷云

生老長林是駛驟去年猶在御河堤五花忽過雲初起萬匹空奔電已迷絲動綠楊留繫影草芳南浦靜聞嘶絕塵不省人間有落日清風滿四蹄

勢壓崩雲萬里姿茫茫荒野復何之天涯負汝飛龍志

日暮同余伏櫪悲長路經年曾未病山村通夜屢堪飢  
直西聞道方鼙鼓恐有人家市駿時

餘生不復問龍媒過眼相牽事事來閒掛青絲新絡腦  
亂拋金勒舊啣枚敝帷恩薄魂宜怨妨主言多我未猜  
步到村南初試處蟻封久已長蒼苔

有地無因可着鞭况當金盡且高眠他時又得追風後  
三載終悲逝水前手錄兵書猶滿篋心期房宿再生天  
名成往往圖留駿夜雨空山莫惘然

賣宅

自我得來三畝宅數間茅屋幾經春浣花舊業今何在

沂水新秋病且貧燕重覓巢知易主松還對酒醉何人  
匹夫暫有良多事萬卷詩書漫結鄰

聞鴈

秋入人心有鴈聲晚來雨霽漫相驚風吹蘭菊雲飛遠  
露濕蒹葭水自清萬古天空和杵落半窓月過又蛩鳴  
浮萍莎草皆無恙塞北江南萬里情

冬夜

窗外霜飛下五更地爐正煖土牀平放翁詩熒熒地爐  
火煮藥土牀前  
燈花忽與書相妬壯志休隨酒漸生離海浮雲仙不住  
在山泉水石原清長吟聊補閒中事慚愧荒村犬吠聲

十四夜月色如晝讀書至曉

心在蓬山頂上居日生何事自軒渠忍寒看月嚴霜院  
拏病貪盜得意書烏雀無巢猶繞樹寒鴻有路是冲虛  
普天盡戀陽臺夢廡下劉郎值歲餘

十四至十六連夜月色如晝喜而獨酌成詩

卓犖江湖事事乖畧無些子繁子懷香兼藥氣臨窓轉  
書喜燈花與夜偕一箇腐儒都眊眊三家村酒杜茅柴  
嬋娥更有金波贈爐葉添薪落古槐

邯鄲

世路誰非尋好夢盧生炊熟獨凌雲真騎白鹿遊何處

且喜青驢叫不聞竹葉無風聲始靜梅花見月韻方芬  
道人試借黃梁枕未必飛仙獨讓君

盧溝橋

盧溝橋下響潺潺津吏橋頭不暫閒萬馬曾聞飛曠野  
空囊今見阻嚴關春殘黍谷羣鶯語暖背幽州一鴈還  
欲寄愁心與流水桑乾源在白雲間

姚少師墓

方外與人家國事殘碑讀罷立寒原未能忘世看山色  
何意逢僧指墓門一塔高浮紅葉樹墓有柿樹數千株長陵遠  
隔夕陽村每懷心薄南朝句吟向西風可斷魂

贈徐茂才二首

城市驚濤不可聞謝家別墅有清芬泉聲到枕皆成雨  
山色衝簾總化雲放鶴情隨飛處遠澆花心向課時分  
前溪只在滄江外江上孤峯駐晚曛

京華爲客動經年今日相逢亦偶然細路獨來清磬後  
晚峯同上夕陽邊香於流水因蘭畹酒不空樽仗秣田  
每說尙書無限意蓮亭欄外月生烟

謝舒孝廉贈裘

若不纏頭釵簏斂定須買笑錦麻霞如斯慷慨王孫事  
空逐悲歌易水涯此日解衣過百絹初冬卸葛勝西華

一寒况有重裘贈獨立風前聽暮笳

送友人出塞監牧馬塲

四首

芸窓風雨夜飛螢一夕丹書出禁廷彩鳳池頭差玉牒  
盧龍塞外有天駟雲從騏驥騰時黑草向狼狽起處青  
記得漢家尊石室九重虛席待傳經

行厨萬卷擅風流長夏覽旌出塞遊纔得雪消寧受暑  
近聞花發似初秋瓊高駝背懸徐榻月照龍堆上庾樓  
莫以羣空輕冀北從來此地有驛驘

太平乘傳向金微不用橫刀掛鐵衣玉殿筆曾干氣象  
皇華車更有光輝水開野綠高牙駐沙覆空青萬馬飛

多少長安韋帶士遙從北斗望君歸

一麾天駟總千羣暫出開平戀聖君白草南看惟白日  
黃花北望盡黃雲箭香漫飲數奇羽筆夢休書求試文  
春去秋來隨雁影能知時節是將軍

春日雜興十八首戊戌

日轉皇都星在天融融爽氣鬱寒烟益津圍獵連三月  
盧水朝宗湧百川守兔不耕新雨後聞雞漫舞落花前  
春風試暖人將老又滿晴光塞草邊

紫陌尋芳樹影稀重陰如見彩雲輝雨中官路客初到  
風裏帝城花正飛士去金臺留斷隴祠聞信國問遺扉

幾多往跡無窮事何日春衫振落暉

聞道美人樓外樓啼鶯芳草弔風流仙山一去拋金鏡  
斜月重來剩玉鈎開到李花他日淚吹殘蘆葉此生愁  
相思不必曾相見暮雨蕭蕭過薊州

今日驚飈滾白沙每逢三月感年華未聞黃鳥叫鵝鳩  
如聽清猿啼暮鴉富貴安知猶我輩江山謹具是誰家  
一句又見春歸盡芍藥無情尚未花

李賊圍都城太監杜勲使回謂其黨

曰我輩富貴如故也又李賊僭位日午門帖書云謹具大明江山一座崇禎夫婦二名奉申贊敬眷晚生文八股頓首拜

莢陵陵畔長蒿萊遠望蒼梧龍上灰日照荒山雲忽斷

風吹陰火雪飛來。天圍華表留仙跡。誰種冬青紀夜臺。  
我欲盡除桃李樹。年年不放一花開。

山海關闊朔氣殘。春深東望路漫漫。西烏只繞風前柳。  
北雁先過雪外灘。方賜屬鏤空一道。纔馳羽檄盡三韓。  
柴扉獨閉青松裏。往事經心月影寒。

神燈明帶萬山圍。風落松梢舉玉衣。原上雲平閒白晝。  
夜分雨過洗清輝。茄花滿地逐春去。芳草連天何處歸。  
日暗青冥猶有路。石門嘶馬擬高飛。

石門古寺閉禪燈。夜夜寒泉撼羽陵。忽憶龍驤沉鐵鎖。  
何如處踞屬金勝。江流到海潮無信。月出當心地有冰。

春過揚州風裏夢。黑雲城上幾時崩。

樓臺向暮映霞明。掉臂吟風取次行。皂帽林泉遊汗漫。  
赤松日月誤平生。呼鷹縱酒聞歸塞。躍馬含烟望入城。  
二十五年江海客。桑乾草色鳥啼聲。

帝里風光春欲暮。水晶宮殿暑先知。千官未宴瓊華島。  
三月遙修大液池。近見瀛洲鄰馬革。多聞符竹待鸞旗。  
何人已際賡歌會。畫省夢龍偃臥時。

琳宮幡影曳雲長。垂遍西山覆玉堂。滿地金錢風葉落。  
萬家烟火雨花香。檀焚寶鼎天門白。柳染裘衣御苑黃。  
上界明星開淨域。幾回內殿見毫光。

上將登壇靜海波三年猶枕玉門戈司徒報國鎗鋒重  
丞相忘家意氣多秣馬送踰秦日月屯田耕出漢山河  
塞垣亦有王孫草綠蓋平蕪好凱歌

意氣裏  
肅父事

被冠膚胥望未真江海遙識闇紅塵幽蘭芳處蒼鷹健  
芝草蕃時細馬新曲出琵琶清似語琴餘羯鼓解如神  
百年世事無多感古柳先偷幾葉春

玉皇重醉酒星辰春日霜凋桂樹時不許人間留好葉  
偏教天上種相思梁棲乳燕巢難誤澤落冥鴻弋自知  
寧料蕭龍題去後月中更折幾新枝

持回玉斧霜威過吹徹陰雲氣鬪伏枕囊中觀禮樂

清歌紫裘識衣冠初開闢闔西山曉屢陞旌旗北斗東  
木駕遊城何事業只今射柳舊長安

無邊高館五雲中龍繞流蘇鳳在空樂奏羣仙咸雨露  
衣垂永晝靜崆峒從祠太乙留西苑欲賦甘泉轉北風  
若谷試看回輦處漢家三十六離宮

建業青山雲黯淡廬溝夜雨草橫湖丹墀有恨呼戰武  
黃秋曾聞識故都狐識風烟登粉堞鳥驚戰壘去平蕪  
春明門外真千里况復江南豈壯圖

紫微高座壓蓬萊勢擁靈光御氣迴半面山從雲亂落  
三關水自塞飛來花明鳳闕荆軻里草長龍池樂毅臺

觀皇居雄麗地古今合有出羣才

雄渾博大而其細如髮  
嬉笑歌哭尚其深如海

文信公祠

冬青寒食隔江深丞相祠堂帝里尋半畝宮牆天不夜  
數株松柏晝長陰城通御氣崖山遠雨落潮聲海水沉  
終許虞歌廻日馭大風歌是一樓心

寫信國精神  
直貫明初

秋日雜興二十首

沙裏風陰已自涼中原樹色薊門霜塞高箕尾星虛迥  
天側江河水渺茫紅葉暫新衰草路菊花能界白雲鄉  
秦關山遠何宜夜只有鐘聲燕市長

九門瑞靄曉烟中蕭瑟先來叫斷鴻如得扁舟能渡海  
更無平野寄飛蓬鼎成禁籞當秦塞冰結奇花築漢宮  
一片山林殘照外長連雲氣下西風

月明光入未央多坐見微霜渡御河海嶠卿雲瞻氣象  
風沙砾柱謾嵯峨哀蟬水激昆靈葉素景衣翻大液荷  
天地江山萬餘里桂花香裏影婆娑

芳蘭玉樹幾真仙不吹清虛舊洞天豈有垂簾裁錦詔  
長教遺鼎裏香烟月中丹桂經龍馭海外蟠桃倩鳥傳  
身過邯鄲涼冷後蓬萊清淺已千年

此中風景海天涯心遠日閒多思易深妬殺蛾眉歸北寺

織成鴻網掛東林沙塲建節空文藻畫省清談看墮沉  
欲問崑山諸片玉盧溝流水色陰陰

鼎湖鉤黨總泥沙誰向清秋怨漢家冉冉斜陽隨鹿馬  
飄飄黃葉際龍蛇風寒不入千門樹地好無多五色瓜  
聚燕臺空方社後分明甘露落悲笳

十二燕山紫翠懸錦屏風冷獨飛烟行逢集鵠銷魂路  
憶歛殘黎執繡錢夜夜蟪蛄寒吊月時時鴻雁遠朝天  
江南楊柳俱搖落萬歲山頭莫望仙

天下螢燈手一緘直飛鼎上味酸鹹吳宮暮宴朝耶水  
棘院今開昔傅巖豈有歌兒生覬覦漫勞估客共呢喃

名碑未盡亭先盡雁塔秋高異代嘵

萬國星羅衛紫微秦川自古擅兵威天傾遺恨車箱撫  
地缺平沈海水飛莎草帶沙移閨苑只孫映日晃仙衣  
青絲白馬終何事五嶽巢空野鵲歸

乾乾頂上雪離離山海關前露白時井底蛙鳴雷雨過  
陽臺夢覺古今悲荒烟天地思公子落日牛羊少牧兒  
誰喚清風涼此夜蟬聲會在最高枝

秋色西來先倒景月光東上只移稜一聲玉漏無驄馬  
幾處黃衣有慧燈犬吠星流天似水鴻飛霜影地如冰  
莫疑夜半羣遊者自是金仙不是僧

西山六百三十寺碧瓦光寒玉水橋過眼韶璫營此地  
滿空舍利護前朝蕭森事事陵爲谷金翠煌煌暮與朝  
不出青門茅屋下驚風雜雨夜飄搖

誰聽碁聲一局殘無邊仙子正欄干梁間不望重歸燕  
鏡裏能教獨舞鸞歌逐晚風依戶曉飲餘明月照衣寒  
琵琶馬上留霜草青遍幽州未盡歡

丹聾紫極古天杠霜葉如花茜舊邦箇箇池魚思九萬  
飛飛野鳥退三雙條侯已往虛東壁劇孟何歸臥北窗  
多樹旃檀少松桂仙家鷄犬載幡幢

蒼蒼天地夜涼初幾處蒹葭委露餘種菊無籬空栗里

提壺買賦盡相如山雲欲出仍依岫嶺月方圓不照書  
多有桃枝開府第高牙大纛宴新除

一聲長嘯幾人疑昨日閒園憶舊葵水到霜飛龍自夜  
風吹海動鳥先知笛高遠戍梅花怨馬繞離宮塞草衰  
倚柱看雲倍惆悵秋生滿地鬢初絲

霜月驚傳畫角哀甘泉因見武皇才如何清冷遭漁網  
偏直通靈拆鳳臺百地已成桑落葉三宮曾燕會同杯  
只宜綠嶺吹笙去應悔遼陽化鶴來

渺渺金河水上頭河邊楊柳向人秋葉經細雨誰能綠  
影入清波咽不流火樹明珠承翠蓋錦裙纓絡下龍舟

夕陽疑是桃花色玉笛無聲起暮愁

蟬聲咽處多紅樹龍躍仙山老翠微飄落野棠遺曲在  
風流小草昔人稀明河夜久連天沒片月城高帶露飛  
重過雲臺西去路洛陽秋雨北邙薇

秋來風月太淒清風冷非春月更明月照麒麟歸獵犬  
風回鶲鵠夢流鶯山中人隱雲成陣車下途窮酒作兵  
鐵壁湯池真萬丈荒榛蔓草有長城

金粟秋日雜興二十首卽少陵之秋興入首也二十首各自成篇八首爲一首此不同也其其事寄意卽景見情則同也若詩之沈鬱頓挫深淺精微合春日雜興觀之識者自有眼光何敢妄言

過瀑水巖看瀑布同人分咏

亂石垂雲百尺長烟飛花散下寒塘墨痕四度題詩處  
春酒懸岩舊日香久坐苔茵猶繾綣還聞風雨較微茫  
他時重到清流上只可留人醉羽觴

意最悲涼令人不覺結句其言未畢

易水懷古

日斜惟見暮雲過壯士曾經此渡河木葉呼風疑作雨  
霜花打水不揚波西飛遠影孤鴻盡北向長鳴塞馬多  
心薦蘋繁上明月更無人處一悲歌

三四易知五妙  
難言心薦字新

宿潭柘寺

山深百折古招提十里蒼崖夾一溪入夜經聲鐘上下  
當門秋水澗東西雲來枯朽龍何處霜落高峯月易低  
曾是少師留靜室

寺有姚少師祠

結隣新欲鑿丹梯

送僧還匡廬

有序

匡廬僧屢約遊香爐諸勝一日索詩還山因訊  
壁公山中諸道人尚有昔時遊石門者乎以此  
示之爲他日來遊信

夢想匡廬三十年道人如在石門前此生已恨非青鬢  
有福難消是白蓮君率出家當瀑布錫飛何事到幽燕  
歸山寄訊探梅叟

壁公有和宋中丞探梅詩遲我香爐看紫烟

入谷

天紫白帶上清溪入谷迎人漸欲迷流水喧於新雨後  
好山隔在數峯西曇花方藥蜂先釀琪樹成林燕不棲  
路折幾盤風更好淡香芳草自萋萋

七夕

暑墮涼風夕復清天涯佳節正新晴蟲吟松影高烟寂  
螢坐蓮房墜露明瓜果筵開兒女意關山月出歲時情  
人間亦有銀河水流過客憲今夜聲

寄程召南

相逢相別菊花時忽到花前有所思酒醉城南今幾日  
烏飛冀北尚無枝誤人輕信平津閣吊古難尋漂母祠

肯戀餘香猶抱膝雪霜昨夜滿東籬

初冬過御橋望瀛州

同人限韻

五雲宮閣對閒身葉落疎林望更真威鳳由來巢阿閣  
杜鵑今不呌天津三清隔水原無路一碧凝霜豈染塵  
堤柳亦知時序改海中臺謝自金銀

市有檻虎看者一錢

上帝高居扼九關張魂勾引到塵寰層層密柱長相待  
獵獵驚颺好是閒白晝墮人橫冀野清時飛將老秦關  
一錢幸得兒童玩莫倚雄心似故山

白雲

仙掌白雲天際愁清明節近獨東遊萍蹤自念鮮兄弟  
麥飯誰攜供墓邱看放春花年少日閒生骸肉夕陽樓  
客牕夜夜悲風樹洛水湯湯哭未休

白馬寺鐘聲

寺在洛陽城東二十里

蘭臺夜氣露華澄  
剩有蒲牢說上乘  
斷續幽沉樓外月  
蕭森冷窣佛前燈  
遙連洛水流不盡  
喚醒邙山睡未曾  
客路秋風兼暮鼓  
玉壺炎暑貯寒冰

平泉庄朝遊

路近城南又一天  
風吹初日照平泉  
穿花嬌鳥歌清露  
拖地垂楊舞細烟  
酒石如存應自醉  
歸魂驚夢亦長眠

名園感我閒雲水已有人耕附郭田

天津橋曉月

天津月淡古今情橋畔聞雞第幾鳴山霧漸開星亂落  
水烟欲謝客初行隋家燈火朝宗路漢代風雲不夜城  
一道潺湲一作只隔洛陽三十里餘輝曾照杜鵑聲

銅駝巷暮雨

晉家荆棘泣黃昏曲巷瀟瀟似水村着屐獨來尋古蹟  
衝泥何處問宮門東連夾馬雲無盡西接瀍河浪有痕  
看取銅駝千氣象夜深簷笠爲招魂

印山晚眺

石徑烟生落照閒遊人獨上北邙山龍飛帝鼎空相憶  
雲去砧碭聲不復還漁火無心依洛水月明有路入函  
關回頭松柏纍纍塚忽歛雄心矢石間

金谷春晴

有酒如泉醉季倫空園曠覽淨無塵風鳴野樹珊瑚老  
露濕烟蘿錦帳新遊子總非同賦客落花猶似墮樓人  
唐句清光不與繁華去山色溪聲雨後春

洛浦秋風

微霜初過靜朝暉風送漁歌弔宓妃平樂館前紅葉落  
上東門外白雲飛何須短髮懷吹帽若爲香尊想拂衣

一片蘆花飄似雪遙隨斷雁下漁磯

龍門山色

洛南烟霧上峩峨禹鑿龍門蹟未消一水奔流開鎖鑰  
雙峯飛翠散雲霄雷轟夜氣朝爲雨佛放眉毫暮作濤  
別有長鯨汲浪處嵐光回首屬漁樵

不寐

窓月纔看黯素輝旋聞落葉助風威老多不寐兼爲客  
秋已云殘好授衣襍被漸寒疑有雨雁聲遙過忽低憊  
有心何慮青天遠肉翻生情肯妄飛

元宵無月分韻得花字

高館笙歌報歲華三年佳節意無涯雲生永夜燈爲月  
春到孤城火作花天上銀河門外水愁邊金粟夢中家  
江南江北何須問四座吟成呌曙鴉

讀胡秋潭哭弟諸作因成三首以代其悲

折翼於今三十年離家霜鬓已堪憐終懷令弟猶哀些  
看守荒墳更惘然魂斷岱雲迷夜月眼穿江水見寒烟  
戴家冲裏連枝樹總有花開不似前戴家冲地名

庄居余後先余死啼鳩落花空自哀無路九原尋弟去  
有靈千里覓兄來陸多虎豹塵先斷江會魚龍浪不迴  
切莫遠遊離故國餘生終不負泉臺

窮途哭弟人間有如此深情世所稀淚滴燕雲風雨落  
詩成湖海雪霜飛同時拯濟須瓊珮愧我塵埃亦布衣  
最是鵠鵠讀不得客憇烟霧暗朝暉

贈友

沂陽綠樹簇幽居長是經過挽鹿車月醉桃花春釀酒  
燈檠夜雨素疑書近因貧賤交愈密方覺林泉聚少疎  
合有古人投分事歲寒金石竟何如

登歌風臺

漢皇歸造大風歌風靜臺空仗劍過記得高陽依日月  
誰從廣武定山河雲飛遺殿花飄雨筑擊荒亭泗湧波

曾到長陵無一樹故鄉春盡暮烟多

已亥夏遇孔東塘公子知先生歿已半載愴然有作

仙源悔不問迷津咫尺龍門十度春無意逢君知有子  
未能觀海已揚塵桃花扇底興亡事趵突泉邊去住身  
營葬如成家祭日爲言曾遇賞音人

夢中作

天涯五十五年春纔得芳蘭一朶新今日琴書初識主  
往時道路不妨貧吾生自愧無餘慶祖德原知有後人  
何日攜歸墳土拜幾回西望却沾巾

寄張仲陽

熱不因人曲尺眠此情於我更顛顛重陽採菊自高臥  
十月折梅無使傳魚到水清方見鯉鳥當傷重易驚弦  
近來料事多乖角竈尖新生煮石烟

臥病

臥病荒村月已三新添白髮瘦僵僵頭從瘡累客無拜  
附張仲陽詩一則  
牕外喜看梅雪霽門前聞說  
房華體可血流誰見餒窗外喜看梅雪霽門前聞說  
柳煙含不知何地栽藍藥到處春風已盡詣

送胡大中旋里

涼風吹客間歸津螢火西窓共幾旬還欲從容留汝住

稔知跋涉爲家貧青霜凌雪時如此白玉生烟路已頻  
獨向龍眠應北望明湖華髮好禁春

其父留此

食羊

并序

余三十一年於外無不食物惟白羊未能染指  
甲辰九月五日同邑羅君法吾鄉製之客中一

餐枕歸

故里

逢秋每思此鹽梅

邑俗食羊  
自秋始

一碟羶根筋欲摧客久人

情鄉味美菊將花日故交來捉刀豈少英雄手司馬真  
難宰割才已道登高不當作歲時斗酒憶曾開

生日

永夜清歌勝裏花扶桑已見上明霞傷心萬事惟今日

負笈三冬感歲華東海日折仙子島西山猶繁美人家  
目前雲盡驚風定燈下攤書看莫邪

寄雷溪居士

兵書滿袖篋一身閒碣石春風去復還住足便尋南郭路  
人言已徙白雲關深宮未厭修蛾翠盛世方工墮馬鬟  
寄語雷溪老居士重來花外看西山

秋日同人擬遊西山得一東

緇塵何處有清風爽氣朝來隔遠空遙見重嵐迎曉日  
深知山巘隱仙宮野花猶放寒溪上山鳥爭啼白露中  
如不攜壺共相就平巖萬壑待逋翁

獨坐

秋雲陰重捲書幃老眼迷離花亂飛獨坐何關今日事  
灰心猶護少年非暮看燕雀巢仍在腐覺鴟鳶嘶漸稀  
無力禦風霜又落側身天地待寒衣

萬里無雲百草乾  
開襟高館御風難  
日斜不覺煙蘿動  
水積虛開瑪瑙寒  
心爲懷人原似火  
身如中酒不能餐  
玉華仙苑無尋處  
薤葉清涼夢未安

新城羅明府招飲

新香花繞葛溪流  
鶴靜琴寒醉未休  
往事關心消積渴  
春風吹雨作涼秋  
談百崖事萍經大海無留處已在深山駐  
遠遊肩荷陶潛有歸意  
選成誰爲起高樓

弱水集卷十七言律

蒲城屈復悔翁著

曾孫來泰志同錄

長州馬墣授疇

同邑後學劉一德咸有

武陵陳長鎮宗五

評

受業黃岡程後濂貢書

校

揚州

紅橋西畔管絃清獨過寒塘取次行香出梅花成酒氣  
漿連鶯語盡歌聲遺鈿墮珥長春事翠幙朱樓不夜情  
百萬金錢正流水遊人猶憶賦蕪城

切極結  
感深

梅花嶺

萬丈梅花墮涕情百年曉日照林明黑雲忽起青山暮

絮酒俱流朔雪平王謝有才違建業衣冠遺恨對蕪城

臨風殘臘兼昏暝遍嶺陰燒見甲兵

俟朝宗詩黑雲城上崩

史公卽在建業未必才如王謝景行至情真堪墮淚

玉鈎斜

土成蘭麝傍蕪城怨入隋宮草又生隨例朝天猶有跡  
因風委露亦含情流螢不作雷塘夢埜鳥如歌水調聲  
却念天寒倚修竹一打空名暮雪平

己酉元日

四首

三十六年雲水身滿城衣履競時新衆流奔浪爭趨海  
今日閒居不問津鶴似在山門近市鵠爲賀客室無塵

獨攜柏酒梅花嶺天上飛來一度春

大地春回野望深寂無風雨亦蕭森人情已厭雪霜久  
日色高懸江海陰烏弄新聲知節換梅橫高嶺待誰尋  
此生得及椒花頌萬國冠裳正始音

解凍殘冰兼雪冷從人騎馬盡龍鳴雲移北闕燕山動  
風轉東皇海日明仙仗諸番初拜舞凌烟畫策紀昇平  
何心尚作丁年夢向曉能無子夜情

雲從南斗向西流分付歸心莫遠遊天地風烟惟華嶽  
兒童簫鼓自揚州餘生春酒英皇淚過隙年華屈宋愁  
信是五陵有佳氣夕陽猶許上高樓時西陲用兵

金陵懷古

十首

烟嵐重疊斗星孤楊柳新青舊帝都盛地不聞還起鳳  
遊人偏聽早啼鳥春明風信何時轉枕遠江聲有夢無  
一曲黃鸝微雨過鷄鳴祠樹潤如蘇

大風初起亂雲飛齊向天門護紫微遙海波光明重譯  
玉階晴色靄春暉採花八百原紅袖掃雪三千盡錦衣  
多少樓臺在烟雨六時鐘磬一僧歸

金川門外水東流潮打空城獨上樓驚嶺雲飛無處所  
鍾山月落起閒愁夜逢漁火兼星亂風押江波到海休  
燕子不來尋舊壘野芳草送行舟

夕陽忽散水烟空  
燐火照愁愁更紅  
瓜蔓何年消夜月  
崇蘭無地泛春風  
已驚鸞鳳巢芳樹  
誰過金焦感故宮  
有限平蕪難化碧  
江流滾滾海雲東

五色石傾歌舞新  
新亭誰復宴江濱  
玉笙吹徹聞邊雁  
金粉消來怨美人  
星隕梅花留故嶺  
樹稀瓜步見飛塵  
後庭猶自多商女  
滿地東風草不春

地近中山問落花  
春風消盡七香車  
潮來勝日天連水  
雨歇長江浪捲沙  
莎草青過桃葉渡  
湖光碧斷莫愁家  
雲臺信墮英雄淚  
宮井何勞怨暮笳

千年事往無窮恨  
燕子磯邊狎客多  
袖有兵符傳樂府

情連淮水浩烟波山圍故國天如幕花落空宮鳥自歌  
日暮酒酣倚長劍雲旗犀甲晉陽戈

南渡風流自古長白門垂柳復垂楊經多珠絡陽春鼓  
看盡琅邪大道王月下夜藏鳥臼穩殿前朝拂燕泥香  
曾輕六代偏江左始羨花開玉樹芳

何人談笑靖烽烟鶴唳高空過客憐釀酒正臨芳樹下  
圍棋定在好花前三山草木悲今日二水樓船憶往年  
江上春朝明月夜蒼生絲竹雨淒然

宋石西臨成壁壘東連滄海靜波瀾依然山水春情晚  
如此烟花白日寒城郭不隨麋鹿去風雲猶向鳳凰看

弓藏鳥盡青田藥芳芷江離憶築壇

登燕子磯

扁舟不得金陵住風雨留登燕子磯浪打鍾山流電急  
雲奔誰據壓江飛已知花逐啼鵑落應有人須化鶴歸  
雷息空亭烟未散水晶宮殿在霏微

風送雲飛  
霞催月上

鍾山

一夕秋清鍾阜涼西京野老露沾裳乾坤自繞松楸暮  
草莽潛消日月光雁叫滄江嘶石馬蟲書殘葉卧垂楊  
雲臺未沐長陵澤何有青山似洛陽

望金山

易之集  
卷之三  
滄海三山第一山江空直上斗牛間風來京口虛疑引  
門帶金陵重上關百萬甲兵雲可渡尋常舟楫浪難攀  
直西采石遙相望天塹春深壁壘閒

錢塘懷古

十首

天日龍飛湖自來水烟石霧湧樓臺不須半斗占佳氣  
如此江山少霸才形勝勢能雄澤國鶯花天遣作蓬萊  
六陵千樹春無主應傍錢王墓上裁

節近清明雨未休吳山滿目宋時秋黃龍雲歷平湖冷  
白馬江隨大漠流二月花開春又過千年魂在夜重遊  
暫開都會無征戰遙待晴光望汴州

御舟幾欲到扶桑安穩終憐燕雀堂一去中原成絕塞  
三爲太將剩餘杭邙山無日低陵樹燐火連雲冷戰場  
郭令有才真不忝黃河猶繞舊宮牆

濤撼高城束四圍湖光江色尚依稀行當岳墓乾坤闊  
領遍春風歲月非屏立何山猶北向潮來有水獨西歸  
繞堤綠柳株株在無數楊花慘不飛

無一字及事而確切不易

黑風吹獄惟三字霹靂當頭獨一鳴

韓斬王折檜曰莫須有三字何以服

天下天共西湖空戴日雨拋金鎖罷談兵孤山鶴唳雲中  
雁巫峽猿啼柳外鶯惆悵角巾舊遊處滿堤芳草不宜

生

五六險絕却極平善

易刀集  
卷一  
五  
樓外高樓拋建業夢中春夢自臨安百年舟泛西湖好  
一夕風吹大海乾桂子穿雲隨月落荷花經雨帶波寒  
心疑空老陳同甫未得中華指掌看

山岳雷霆箭不消至今風捲伍公潮飛塵軛道沉邊塞  
留恨靈旗幾暮朝百萬貔貅開毳帳三千勁弩在雲霄  
看來江海皆無信月滿平沙影動搖

雲幕湖州墅萬層隔舟晚泊氣岐嶧馬來西北江成路  
龍到東南海盡水故堆萬萬闊暮角空郊風起閃孤燈  
崖山亦有靈均怨日月雙雙向日懸

萬丈燕山盧水深橫萬萬峰此中尋黃沙覆地餘生滅

白日廻天未死心春挾雨聲高伏枕潮領海勢壓寒衾  
遙知雲氣生柴市都入錢塘作暮陰

萬古清虛何所恨百年朽骨定誰辜冬青風雨新陵樹  
越國山川舊帝圖高塔凌空魂魄泣杜鵑啼血鳳鸞孤  
從來天下真男子草澤於今尚有無

懷古詩不述事不議論得懷字  
神韻然不熟宋史斷不可解

### 遊西湖

秋香風裏過西泠三十年來此重經楊柳陰濃舟不繫  
桃花氣暖夢初醒纔知門逕先春綠記得亭臺向晚青  
應爲白蘚開密網只寬新月出南屏

時游湖有禁

湖心亭

六橋無路不春暉此繫扁舟與世違四面波含山欲逼  
一亭嵐映水成圍吳歌越舞人何處暮雨朝雲夢所稀  
是日朝陰暮雨巢許如能同宛在未須畫棟易柴扉

伍祠

雨歇春城雲尚重屬鏤事往有遺踪潮飛海水三千丈  
祠壓吳山第一峯草色暗深無白鳥簫聲風過落青松  
卻思覆楚英靈在獨望長江起暮鐘

錢塘城南看桃花

山頭朋酒亂無巡江畔人家照眼新盛事盡矜寒食節

幽懷偏憶武陵津彩霞遲恐飛爲雨明歲能來別是春  
已過暮潮猶未醉玩芳踏翠愧遊人

門人曹勉仁邀同人泛湖自孤山至五柳居小酌  
魚鳥相逢亦笑君老年猶在少年羣孤山處士梅方看  
五柳先生酒又醺風意約回三月雨波光高濕兩峯雲  
芳春滿目情難盡更欲移舟上岳墳

于忠肅祠墓

亦愧浮生六十年公年六十子今歲亦六十矣青山今拜晚春前功

旌南國心無怨身恨東門日未懸松柏有靈重挽日鶯

花好夢是何天

春秋二時人祈夢公祠

白雲影裏休回首

公臨終詩白雲

影裏笑  
阿阿

新向秋風冀北還

望湖

霧重西冷日幾曛新晴錦繡曉初分水爲眉黛心中雨  
山是芙蓉鏡裏雲好事早知開畫漿遊情先已滿湖漬  
此生安得杭州死添箇梅花處士墳

泛湖值微雨

湖上頻遊興轉新湖邊眉黛忽如顰一時花氣成香雨  
幾度歌聲已暮春棹底魚龍知換劫風中波浪不驚人  
漁舟柳外衝烟去欲著蓑衣訪隱淪

看梅花

幾回風雨誤花期  
晴到孤山尚未遲  
竹外紅爐新煮茗  
但有賣茶者

亭邊一樹半開枝  
獨綠萼初放

日宜疎影苔痕媚

香有春愁鶴夢知  
歸盡游人和靖在

湖光清淺月來時

朱園看梅花

坐遍孤山興未闌  
朱園無酒也須看  
古亭臨水綠烟靜  
新樹成林紅雪寒  
鳥喚隔籬尋曲徑  
香留斜日倚欄干  
桂花時節人如蟻  
冷淡春風幽賞難

登玉皇山將至顛而返

盡說高峯薄上蒼  
千山今見偃湖光  
未登絕頂風先冷  
已過慈雲嶺逕轉  
長壁滿春城殘雪  
白田開八卦菜花

黃西冷亦有無窮事待謁通明問玉皇

滿城粉壁如雪

拜建文帝像

尋遍西山老布衣

相傳天下大師墓在西山余尋之無有

東明春寺禮慈

威居然圓月沉江海坐對名花果是非白首當歸心未

死清泉方薦日將晞一塵不到袈裟上社後誰家燕子

飛

戚前牡丹傳提建文手植

山陰道中

一上輕舟勢欲騫浮塵不起靜朝瞰溪山以外遙無路  
花竹之間近有村地任陰晴參黛色天低巖壑潤烟痕  
何須雪霽堪乘興人在春風更可論

若耶溪

蓮花猶見苧蘿春傾國風流此水濱  
結髮長懷句踐事白頭方問若耶津  
波搖碧草心如捧影浸千巖黛學顰  
誰解塵埃求范蠡青苔思殺浣紗人

結費

禹陵

千崖萬壑氣峻嶒滿目斜陽照禹陵  
百鳥羣歸森氣象黃龍影落勢飛騰

陵前古松一株鱗皆黃色

日臨滄海春潮上江東

青山宿霧澄尺土柔麻思雨露神光猶在白雲層

曹娥廟

孝女遺祠古渡頭江烟長共海雲浮落花如兩人初過

斷岸當門水自流白日有聲聞擊鼓靈風無浪送行舟  
殘碑不逐山川改曾是中郎舊此遊

天童寺作

四首

紅塵隔斷樹層層踏破芒鞋戀石稜芳草有情深更入  
碧山如畫險須登微風不動涼生夜壯志難消冷似冰  
日日六時鐘磬後下方流水上方燈

竹曳清溪過壁陰一瓢長夏稱蓑笠吸風飲露飛仙事  
醡雪餐瓊出塞心市有鹽梅方信遠山無笋蕨始知深  
大烹慚負猪肝累自供朱絃綠水音

麋鹿見人先却走鳥鳶過戶早高飛來隨流水何須問

住到秋風尚未歸天上羲皇休入夢山中松竹盡忘機  
心閒不覺無麟鳳太白峯頭望夕暉

水據禪扉夜不關飛騰海氣上雲間雨來混沌全無地  
風挾波濤半在山朝暮都成神女恨虛空肯放衛公閒  
涼秋只隔梧桐葉寄語魚龍及早還

四首全寫  
欲去意

九日

靈瓏崖勢疊秋光絕頂空瞻紫翠涼逕險始知筋力異  
林幽誰種菊花香樹連江海雲流地人滯東南雁度霜  
暮負白衣能送酒深山病裏過重陽

賀監祠

在鄞縣湖月

乾坤一劍故鄉心賀監祠堂此獨尋代隔金龜丹壑近  
湖連秋色月輪深何天珠樹真棲鶴動地悲風欲碎琴  
泣盡鬼神空斗酒日高江海栢森森

祠有雙古柏

寧波府

二首

海色浮空水氣涼江帆初落古城荒風腥雲暗魚蝦市  
屋壓門欹瓦礎牆墻多瓦  
礎爲之猶憶官奴藏宋武只宜勾踐  
置吳王名存大里人何在蓮葉如芝帶雨香

鬱溫蒸天慘客顏旌麾鼓角塞塵闐偶登高閣憑欄久  
知是諸營較射還大海獨吞三面水軍聲遙震四明山  
南風忽捲浮雲盡只在江湖指顧間

冬夜同賀闔然 克章 談詩

萬里關山鬢已殘解人幾見問騷壇鏡中花影春無跡  
天上河源水有瀾重撥死灰心火熱堪消永夜雨聲寒  
相逢豈少黃金諾不作浮雲此度看闔然許

夜雪

歸心向夕滿江城雪落階除漸欲平萬里客遊惟劙在  
三更風急打牕明寒威墮枕鶴無夢歲晚懷鄉雞不鳴  
莫使扁舟膠凍浦老夫乘興待朝晴

閒次左季超韻

曾城幾度葬神仙花落花開又萬年日靜皇都春浩蕩

心灰舟楫夢纏綿清風入戶夕陽下夜月當牕隣笛前  
猶念太平拂衣去冥鴻戲海鶴飛天

雍正元年夏在岳蕪園工部宅閱全唐詩間有鈔

錄硯池內生翠草一莖工部謬爲余瑞因作長

句

風雅今開靜玩餘偶然草長玉蟾蜍凌雲翡翠葉初出  
占水鴛鴦心漸舒詞客有靈憑溽暑騷壇何德應扶疎  
鄭家書帶箋成後他日曾疑是子虛

瑞草唐靜嚴有圖諸  
名公有詩此原唱也

擬溫飛卿上令狐相公 得十四寒

繡鈴搖處戟枝寒行馬中聞叫彩鸞白日正高明渭水  
春風有道放幽蘭金蓮垂照知天近汙潦無嫌覺海寬  
我欲掃門塵已靜百花遙望在朱欄

謁楊椒山先生祠

保定府

冰玉丰姿尚凜然信都遺廟古城邊每於樂府聞鳴鳳  
何似深山哭杜鵑市酒有香行客薦霜威清野曉光圓  
永陵宮殿依然在莫載靈旗北過燕

切不難遠難意  
在題外更難

癸卯中秋同人玩月月色明甚忽憶峨眉雁宕天  
台武夷天下諸名山清光定復不同塵世

分韻得平

字

中庭地白露華明人世秋光已自清况復千山兼萬壑  
知多聞苑與曾城乘風欲去海天遠騎鶴高飛雲路平  
未盡塵緣猶悵望桂花香裏曉鐘聲

九日登東城樓四首分韻

萬家烟火擁高樓此日晴光心已秋地過金元成獨感  
時無風雨得同遊菊花未放逢佳節木葉如春近御溝  
海內東籬何處是直西宮闕暮雲流

神開天府勢偏尊更上層霄近帝閣懷古凌雲今履尾  
登高擬賦忽驚魂城圍萬堞燕無路地劈三關塞有門  
相湊山河形勝在昔人戩馬此繚垣

草色霜華無近信  
暖烟沙塞有驚風  
高樓立久纓重結  
落葉紛飛樹未紅  
日下誰家籬菊靜  
雲間此會酒瓶空  
無衣况與時相稱

時大

手把茱萸看塞鴻

青葱佳氣久  
棲鸞宮闕參差舞  
鳳盤目斷夕陽驚節序  
手捫髀肉倚欄干  
何時東郭林中曉

先瑩所在

他日西山雨

後寒心似樓東  
御河水霜華未落尚飛瀾

樓桑村懷古

限韻

滿目風沙落木秋  
數家籬落鳥啁啾  
羣兒自戲中山遠  
華蓋何歸涿水流地  
信有靈行客拜天如  
釀雨暮烟愁一枝一葉思前事  
雲結空村百尺樓

秋日登良鄉法相寺浮圖

浮圖直上隔神京一片秋風半日程  
滾滾飛沙遮北望哀哀塞雁引南征  
燕山向夕蒼烟重盧水初寒遠浪平  
但見紅塵催客過離離宮闕喚愁生

雷溪居士納姬戲贈

桃葉桃根暮雨聲  
纔聞花氣覺身輕  
當歡許有金堪貯  
含笑慚無國與傾  
乍見長吟牽袖問  
徐看臨鏡捋鬚行  
君今已到天台路  
可念劉郎隔玉京

秋日同人限韻句首用愛玩賢妻冷落友朋八字  
戲贈雷溪

愛隨春水看鴛鴦玩月披雲菊又香  
賢酒對斟偏酩酊妻梅獨嗅易芬芳  
冷風吹雨成新夢落葉添薪煖臥牀  
友到北窓三更好朋心從此在仙鄉

次贈畫韻

霜沈遠岫樹闌珊誰掩茅齋帝里關下舍能甘金畫客  
高人猶贈畫中山三尋不料無非夢一笑相逢好是閒  
竟日披圖相對坐如衣孤白亂峰間

程少南墓下作

酒畔離歌隔幾春蓬蒿三尺已成塵幽冥未定還鄉土  
紙墨難忘命故人盧水淚深彈鋏盡韓山雲斷掌珠貧

莫悲伏臘惟桃李多少荒烟臥石麟

夕陽

深林雲淡見朝暾留得風雷過雨痕白帝城西翻石壁  
咸陽原上易黃昏馬嘶古道牛羊下犬吠荒郊虎豹尊  
一片桑榆千萬樹行人欲指杏花村

喜

年光到處可開樽桃李成蹊野外邨乘興偶隨靈鵲語  
新知相值鳳凰原幽州城郭西山色客子衣裳綠酒痕  
相對無言同所願驛驅嘶過望春門

侶鶴軒聽瀑布

分韻

飛流飛處落雲烟

同人作看瀑詩三

又送風雷繞戶前老愧匡

廬身未到低垂簾幕日高懸別來夢懶尋無跡閒裏山

鳴意不喧往事已隨水聲去賞心猶在米家船

乙巳夏日雨中頽樓詩和友人韻

纔見樓成護彩霞旋聞一夕委泥沙行人共指真翻掌  
急雨無情似落花玉笛不隨楊柳綠春風曾倚曲欄斜  
賀時燕雀今相怨記否天晴蔽日華

此爲某權臣敗後作也詩無小序後之觀者從何處著解

送胡秋潭旅楓歸桐城

有序

雍正乙巳正月予方釀金送秋潭還鄉里三月朔八日遽卒旅館時長子侍側至十四日予始

聞訃往哭之已移柩郊野久之爲具棺湯漱懶難行遠也秋七月同尹侍講岳光祿一齋胡茂才萬春諸同人合資送旅櫬南歸臨行奠以此詩每吟一過淚痕在紙嗚呼貧且賤若此不獲使老友生還後之覽者知予於交情實有深愧

二十八年今去茲終天應悔遠遊時

太公逼秋潭游京師遂抱終天之悔

敝羸空貯胸中血

秋潭著有詩經解綱目纂要等書俱未就詩古文詞亦多散遺

須生墓上枝

秋翁嘗言卽位列台司不如鄉試中式丹桂

盧水恨深江水淺佳

兒歸早大兒痴人間痛我長貧賤較送生還半載遲

空囊不阻旅魂飛好逐銘旌出帝畿在日投誰知己分

經秋嗟我送君歸楮錢難復先人業泉路愁過古魯圻

秋翁言先業半屬他姓誓必贖還東轡聖人之國土厚水深必買山葬親并已死後骨骸二事不遂死不瞑目

舟到龍眠莫相怨一生心事首邱違

枕易得香字

東臯春倦罷壺觴一卷書高偃石牀清露已消朱點濕  
柴扉深閉碧窓涼回頭晝夜如流水轉眼乾坤接醉鄉  
晚喜移情朝睡足草廬人靜百花香

元人有詩此後半似稍勝

代贈

四首

明良公望是鹽梅春在江南尚未回幕府和風平似水  
姑蘇長嘯數登臺香生盈戶多桃李米貴如珠遍草萊  
平糴近日甘棠傳野老湖田萬頃稻花開布政  
江蘇

一聲銅鼓動苗山萬里誰能節制還丞相渡瀘曾五月

伏波橫海定諸蠻不將翡翠求南國豈有丹沙進九關  
留得彩雲參井上冥冥氣祲自安閒

總督雲貴

黃河直上玉門前百萬貔貅鎮塞天欲使元戎同奏凱  
須教良相遠臨邊威名破膽汾陽騎方略如神漢將田  
指日王師定西極進賢第  
一畫凌烟經略

塞馬秋高冷戰場歸來綺綺有輝光九重春雨滋鶴鷺  
一片丹心簡鳳凰誰向寒門憐小草每於積雪轉春陽  
微官閒後長相憶張掖曾沾荀令香

復相

贈劉翁

行遍崑崙萬里天雲中白鶴尚翩翩盧龍古塞浮塵外

丹鳳高城挂杖前

曾往駕過存

沈飲賒來閒日月披襟逐盡

好山川儒衣拋却從君後更看花開二十年

己未二月朱邸屢見招辭後示諸門人之作

綠遍東風到蕨薇冰花座覩尚依依雲中鴻雁曾相訊

戊戌丙辰兩  
辭朱邸聘

池上羣鷗莫亂飛爝火有光殘月夜茲泉

無恙舊漁磯知吾春興兼懷古旅舍虛窓夢亦稀

對茶

此生何物結仙緣白露迎春手自煎佳色素瓷宜靜夜  
清風靈舌思華年醉餘香勝黃封酒夢後情濃玉女泉  
近日相看難強進牡丹花下一樽前

看茶蔡君謨事

夕陽社題

雨歇雲歸一半晴餘霞擁日下春城穿花紅重深將斂  
映草青多遠更明魏國山河飛鳥急漢家陵闕暮烟生  
自過楊震孤亭後三十年來向晚情

東隅曾望五雲晴已薄西山山畔城倒送漁舟開暮影  
高臨鳳閣似朝明空虛不用回頭問霜雪何緣滿鬢生  
眼底桑榆無限好水波遙漾遠遊情

十二月初八日夜薄郎中壽筵同人分韻得十一

尤

正看列宿五雲頭今夜清光照酒籌泉府得人凡幾載

小車迎我自三秋重陽後在友人筵上約  
小車迎我是日果然如聞鶴唳會  
宵漢獨立雞羣此獻酬記取華堂同醉處臘梅花上月  
如鈞

陳宗五曰唐無壽詩溫觴於宋惡賴於明此作首句  
郎中次句壽筵三句忠於君點出戶部四句信於友  
還壽筵題面五貴徵六才高結點明臘月初八日初  
看不過如此細讀乃知前四句是言爲郎數載止一  
見招後四句是言他日大貴不可仍作爲郎官時疎  
濶也譽不涉套諷不傷雅但不知數人分韻頃刻成  
詩何以便能深細如此然而黃鶴樓上已令青蓮忽  
停彩筆究之西塞山前不蒙白傅許得驪珠可歎也

甲寅元日立春雪

皇州歲轉竝春歸五夜開門雪亂飛紫陌遙明沙塞路  
東風吹上只孫衣飲餘柏酒仍高臥晴泛香塵亦掩扉

易刀集

鶴語有情新氣象梁園回首靜光輝

送人還檇李

三年冰雪滯京華歸路春帆帶雨斜箕尾星前新歲月  
鴛鴦湖畔舊烟霞虞卿老去猶多難張儉生還尚有家  
自古漁樵言不易誰教流水落桃花

九日黑窑廠登高歸過天樂居聽曲感舊兼示友人

清歌一轉一闋時謂一轉一思量高處何堪望故鄉雁路歸心  
華髮在龍山遺跡晚雲涼霜飛上苑芝仍秀是歲景日  
陵產芝晏東籬菊未芳七載重來秋萬里眼中江水共瀟湘

哀友人作也  
故氣味悲涼

送雷介石豫之任鄒平

黃菊開時未受符清談曾記不樵蘇春回寒日人初去  
雪掩閒門逕欲無東閣鳴琴思石薦北窓吟草愧冰壺  
一枝許有梅花贈長白星飛近帝都

代贈轉粟

青海崑崙又築倉晉城天地滿庭芳將軍兵甲如流水  
大僕風雲會戰場堵下紅蘭三朵秀秋來丹桂兩枝香  
功成莫讓君家蠡應有瑤池待鳳凰

曉亭所贈益梅將謝矣

侍郎高義作芳辰空谷香來是美人遊子如逢灞橋雪  
燕山纔見隴頭春書攤日午原無夢月透窓棱似有因  
一樹垂垂雖半謝歲寒方信舊松筠

失題二首

春酒一樽何限情如聞往事語新鶯誤隨流水桃源去  
真逐征人玉塞行銀燭綺筵曾此夕秋風紈扇又前生  
算來亦似無非處自古難居是盛名

一種風情尚欲飛皆言回首自知機波恬宦海聲華在  
節是花朝歲序非舊雨疎來辭酒甕新詩吟好送春暉  
少年同學才誰後且與琴書靜掩扉

九日晏集對菊 分韻得東字

但使長安樽未空無錢無處無香風依然客舍重逢九  
不必疎籬定是東落葉寒雲同向線新歌妙舞獨惺鬆  
西看秋草尋何處興在南山細雨中

用生字能穩妥  
唐有此一種

無題

夕陽門巷認瓊樓何意盈盈近御溝一誤靡蕪成往事  
重逢蘿葛惹閒愁朱櫻嫩葉含香露綠水垂楊挂玉鈎  
兩鬢如霜消不得落花芳逕幾回頭

朱邸澹遠齋

人傳此題作以示及門不相識也

修竹園林有草堂自顏澹遠煥雲章當窓靜坐觀朝槿

永夜攤書對月光山外山情飛秀色泉中泉味冷微香  
深居未免貪爲善添得閒門一線忙

十四夜童僕皆遊燈市閱友人詩集竟漏已三下

獨酌

長安誰與解金貂室有蘭香漫寂寥獨受太平惟皎月  
心知來日是元宵高情未冷憐奇數濁酒初溫覺漏遙  
滿地霜華問前古春遊多在聖明朝

送陳子喻我義之任

胸懷嘗欲問襄流古跡風清尚可遊天上更無諸葛宅  
人間只有仲宣樓當花傾蓋心相惠落葉離樽老易愁

此去棗陽政成後代予荒草一淹留

聽彭仲尹說劍門形勝風景

芙蓉暗夾水淘流見說江山豁客愁錦里風雲開玉壘  
劍門天地閉刀州萬花香裏龍長臥百鳥聲中鳳自遊  
高閣勒銘吟未了朗然飛過兩峰頭

畫不出

十月盆菊初開同人小集分賦

老圃烟消罷舉觴一枝密座也芸黃歲時回首愈遲暮  
離落應難免雪霜拚醉夜寒移伴月豫愁風勁幕殘香  
階前松竹新相侶嶺上梅花未結芳

唐詩幾處東籬伴月斜唐太宗詩風動

勁淺  
殘香

寄宋少卿稚白

古梅如雪靜春暉遙想高堂對翠微九棘陰濃無限事  
白華香淡幾人歸平生希祿留餘地晨夕閒情尚下幃  
我欲結茅遠相就中條還見五雲飛

寄王壽章楚辭新注

數載一烹雙鯉魚宦情濃淡近何如清時有味雲霄上  
流水無聲歲月疎遙見嵩顛飛瑞雪久遊帝里渺懷余  
別來心事今相問盡在離騷幾卷書

送友人

梁山喬木發春暉千里衝寒觀紫微五馬嘶知函谷近

黃鶯鳴過華陰飛天新雨露霑荆樹海曙雲霞換彩衣  
君化行時我歸去寄詩莫不到柴扉

送彭磬泉

遵泗

旋里

乘春暫乞彩衣還長路詩情定解顏銀漢飛流星似水  
娥媚秀色雪爲山橫經九曲朝滄海險入青天過劒關  
萬卷開餘調膳後浣花溪上錦江間

野狐嶺

在萬全縣北三十里勢險逼風烈雁過遇之輒墮地洪武元年李文忠北征出此

雁墮驚風客路頻野狐高嶺自嶙峋十年戰後烽烟靜  
千仞岩邊草木新事往雲山猶在望沙迷朔漠不宜春  
居人指點空殘壘歲月依稀是戊申

大兵西征久不聞捷音慨然有作

投筆何緣出玉門誓清沙漠盡何源天無今古龍蛇鬪  
地有陰晴日月昏荒草貪狼號落魄戰場新鬼哭遊魂  
功名自許凌烟閣萬里驅馳未可論

西征

霓旌犀甲塞天空大將西征十載同鬼哭沙場狐拜月  
雲迷故道馬嘶風彎弓楊葉秋高後妙舞梅花錦帳中  
聞道健兒能苦戰捷書早奏未央宮

出塞

中四改時人作

絕塞曾聞草不春短衣仗劍屢經旬天當長晝晴明少

地近新秋雨雪真沙漠老狐寒拜月戰場新鬼夜呼人  
何時能遂封侯事七尺昂藏異域身

言路奏毀魏忠賢墓

五六改時八旬

天鑒天威萬里遙閹墳咫尺竊山腰雙碑僭逆撲方斷  
一死奸魂應重消御史有章彈鬼窟清時無地葬入妖  
何當更表王安墓百代神明頌聖朝

送何中翰歸省

虹橋

何家地名直上鳳池頭聞道天然第一流閣筆有懷方

七載乘輶得請又三秋集賢門外人初去仙侶雲中意  
共留春酒盈樽同拜後梅花香裏到皇州

壬戌七夕

涼雲如水送離愁雨過誰家乞巧樓瓜果芸芸人絕塞  
江湖滾滾日安流好風無浪憐銀漢新月垂情咏王鈞  
獨使渡河慚老驥漁陽又是十經秋

送新邑侯顧公

譙蘿州人字

玉京銅盞靜炎蒸幸際新符綰五陵自是來春三尺雨  
何如六月一壺冰犬嗥山縣尊於豹鶯坐喬林凍似蠅  
名士風流高晉代百年文運望心澄邑有唐五陵非長安之漢陵也

露筋祠

湖水春深浪渺茫露筋遺像水中央波搖石轉祠猶靜

雨逼風寒草自芳天意不曾輕處子人間何路少蛟龍  
採薇忽意西山事獨駕扁舟弔夕陽

擬舟至河南有喜

河水東流到海清遊人西去見歸情月明魂夢飛難渡  
風靜魚龍浪已平避雨陵春花正發封泥谷近鳥爭鳴  
重聞亦自愁俱盡五十年前歎乃聲

九日河西務守風

歸心箭急又江鄉已滯孤舟夢轉長曲折烟波家萬里  
迴旋風雨客重陽燕山初去歲云暮淮水將經天就荒  
手把茱萸望函谷河西霧暗菊花香

雨中野泊

平野雲低夾岸遊  
廻風度雨繞扁舟  
纜偎荒草聲偏劇  
寒透踝稜濕漸流  
白首行裝惟舊物  
綠林豪客省深愁  
天憐屈子悲能賦  
一夜瀟瀟送暮秋

將至鄰城先寄王興若明府

日暮鄉關霧幾層  
迷津何處有明燈  
今來程子論交路  
已過文王避雨陵  
晚愧每撈秋水月  
心愁誰在玉壺冰  
罷書懷袖春如昨  
切切西歸記未曾

重至柳溝張氏宅晤其兄弟子孫慨然有作

雁唳永天過  
畫堂階庭玉樹  
又成行殘冬  
不料餘生會

春酒依然舊日觴豈有墨華成紫氣殊令明鏡發清光  
河梁便是千秋別好奉詩書一瓣香

郊子廟

馬陵沐水故山川歷盡芳菲四十年郊子遺祠今又過  
長途飛雪客將還時余將從里依依烏坐蒼松上渺渺鶴班  
古殿前數載歸來階下拜何時重謁舊金天

放鶴亭

壬戌春江南學院試題

遺文昔誦識通靈何意長吟放鶴亭清唳春回人已去  
黃流日暮夢如醒花間珠露來星海欄外茅岡上杳冥  
鳴和餘音遍桃李白雲飛處斷山青

前題 冬夜同友人作

黃河寒並九臯閑想見孤亭出斷山紅日巖巖天欲暮  
白雲片片鶴飛還元龍樓杳霜風勁戲馬臺空木葉斑  
清唳如聞遺跡在坡仙羽翰可能攀

元夜同劉秀才作

江南東海路非遙病過新年更寂寥索酒嗣宗懷自咏  
然藜劉向久相要揚州燈火風威勁吳地笙歌夜氣饒  
冰凍長河舟不渡荒村雪裏度元宵

別羅明府

西崖獨許有心人海濶山高意自真杜井水清堪共酌

燕雲天遠尚相親孤帆滌渚元無浪細雨長江不問津

何日梅花三畝宅憑君占斷一湖春

余將卜居孤山

贈王介山使君

一官鰐絆鳳鸞音目覩新功大海濤葭管灰飛猶浩蕩  
笙歌鼎沸在山林梅方迎臘隨春節菊蘊餘香待素心  
老愧酬恩何所贈無弦曾有古瑤琴

答五嶽遊人

聞道新遊五岳歸偶然抱病臥書幃偏將慈水驚人句  
獨寄秦川老布衣有道交情千里少無心出岫白雲稀  
江村古寺還鄰近莫不秋風一欵扉

譙集

旌節風高那可攀句章萍水識芝顏盡歸滄海三江水  
靜鎮軍容古越山羽扇揮時雲忽動綺筵開處月飛還  
太平雨露誰先遇日麗花香敢愛閒

咏斷線風鳶戲贈平郎中

遊冶清明放紙鳶忽然四望向空烟半綸猶在狡童手  
萬里從飛離恨天路得青雲如可羨影流白日共相憐  
隨風飄蕩歸何處應悔長絲托少年

訪家鉗夫不值

若無風雨卽炎暉何日閒行不欵扉生事拋殘相對坐

旗亭約在與心違

前約是日不相訪

如冰市肆蒼涼久似火雲

情歷亂飛海內詞人幾同姓江城人散月依依

擬遊西山

好山只在禁城西爽氣迎人翠欲低重到長安空白首  
每依夕照望丹梯羊裘曉典成春服螺巘花開待杖藜  
况復前朝六百寺閑雲無盡草萋萋

送戴生下第旋里

塵迷旱魃覺天盲花落幽燕掉掌行宣室終來前席詔  
中郎已識倒衣迎三秦雲壓仙人掌八水春廻古帝京  
老去有書欲相贈山川遺後見深情

登華不注

山在濟南府東北孤峯獨秀圓如削成大白云綠秀如芙蓉良然

羣峯共繞芙蓉秀獨劈孤雲一點尖聞道三週稱武畧  
登臨千載重韜鈴青青麥隴春日晚白白華泉飲恨添  
微笑尙然能復怨山光松影愧長鬚

唐靜巖七十生日

間雲上苑雨參差白鶴青鸞各自知踈畧潛通金石氣  
情懷深賴歲時遲月光燈火開元夕春逐笙歌入酒卮  
七十已過今遠望三株樹在最高枝

蘓村劉內閣學使招同吳岱瞻明府看芍藥

招邀意不在芳菲隨例言看金帶圍幾度春風情未盡

二分明月贈餘輝何梅定見開官閣

明府前任甘泉緣事待開復

桂依然上帝畿共把一樽花下醉白頭相識暗中稀

寄謝寓宅主人

邗江無地解征衣借得華堂且掩扉薄雪聚除花意靜  
清陰轉午鳥聲稀雲流劍氣何時定蜃湧樓臺到處非  
爲問主人渾未識月明庭院冷春輝

時俗同咏繡縠花董刺史形菴屬作

花對蕪城獨掩屏

萬齋有此

花二株

清和風雨冷春暉天工小

試璇璣手人世休看蹴鞠飛雪淡遊蜂來自去香寒蝴蝶過應稀頗聞近日多吟賞珍重何如金帶圍

留別張扶青

左手能揮刻字金  
名山何處待知音  
浮雲吳會渭城曲  
玉笛梅花洞子心  
四海毀譽俱自愧  
三秦慷慨復堪任  
中流未到乾壺在  
去住休論價淺深

同邑秀才賀閣然前梓予弱水詩集

賀綸音招飲法海寺東園

北去平山聽柳鶯  
東來流水出蕪城  
從無邱壑琅玕秀  
忽有蓬壺浦漱清  
遊賞推移成故事  
躋攀曲折見深情  
昔年珠樹曾棲鶴  
欲就烟波問四明

杜一邱藏曲折  
緩步有躋攀

癸亥五月往姑蘇留別高景萊太守

草生書帶爲誰深

往梓所注玉溪生詩意

爨下集桐獨賞音  
欲向

平山懷往古安知大守問於今薰風重製廣陵散江水  
先聞吳會吟此日有門高駒馬三都紙貴識天心

前邑侯董彤菴刺史贈詩送別次韻奉酬

白首江南抱瑟遊人生能忘故林邱只言仙履還清省  
又送飛蓬下庾樓談少樵蘇惟應子書遺風雨自明侯  
入吳爭及歸秦去開府深期尚黑頭

方國華孝廉過訪

驛路勤勞自不寧何能觸熱到吳城古來楚國多詞客  
今世漁陽是玉京紅日當頭雲不度青山過眼雨還晴  
對君話我歸心切渭水秋風澈底清

聞劉蘇村宗丞告終養歸

朝登天府流恩榮夕奉庭闈未易成邸報飛來炎日下  
姑蘇忽覺午風清望雲間有歸心請拜表誰聞接浙行  
荷澤白華獨如此前書因見古人情

送蔣鵠如請終養歸

捧檄知君今幾秋淮揚西去始忘憂故巢返哺無餘想  
春日遷喬亦遠遊悵望桃林天上路歸來華岳夢中樓  
莫從蓮勺求雙鯉我欲相將釣渭流

留別顧講坐

姑蘓老去敢輕遊顧先有約長夏無情忽已秋尚有寒山留

熱客那堪繁露送孤舟  
嶺南梅信雲連海夜半鐘聲月  
滿樓賓得閒庭暮蕭瑟空騎歸鶴上揚州

蘇州懷古四首

越王勾踐沼強吳波撼靈巖壓太湖薪膽依稀千種恨  
風雲零落九州孤天沈烟火長如霧月沸笙歌各自娛  
多少清才誰范蠡江山萬里一姑蘇

滿城梧葉雨聲愁老滯江南悔浪遊半夜風迴雲逆度  
一時潮落草先秋越來古渡興懷路鐘動寒山遠客舟  
白眼懶看尋徃跡姑蘇歌舞幾時休

事業生前蔡葉黃青田楊柳怨斜陽空中鳴雁哀何事

幕上聞猿欲斷腸霸氣烟消餘故址江聲夢覺哭張王  
東風吹雪來天地凍合前朝舊戰場劉青田過蘇州咏柳似悲張王而作

澤國迷離五噫墓江城虹霓伯通橋瑟琴此日鳴雙鳳  
萍水何枝寄百鶴白首重來尋斷碣斜陽獨立聽寒潮  
九原欲吊同鄉侶廡下悲風痛未消

九日陳蘭田東陶署中讌集

同用天字

秋興濃於霜葉樹歸心香滿菊花天故人相聚兼多士  
海畔重陽偶泊船晴日捲簾虛島嶼驚風動地落雲烟  
樽前莫問茱萸女客路登高五十年

董形菴使君贈搭牕

蘄艾絨裘織錦闌十年半廢七星殘贈來霜雪天初試  
頓覺階除路不難曾未詛人何所負若爲酬汝了無端  
神君欲起看花侶只恐春風四海寒

揚州懷古四首

乾隆甲子

百年世事一扁舟新淤邗江不肯流鹽鐵尙書方舉吏  
婁清長嘯獨登樓三分明月聞橫笛十里珠簾上玉鈎  
日轉天迴春色好花香紅露浴仙洲

雨過殘陽百萬家東風嶺上落梅花笙歌盈耳喧溪浪  
金鼓無聲到海涯月出橫空涵水氣星流墮地感年華  
茱萸灣裏饒蘋藻故壘春城囀暮笳

丹青棟宇冠平山楊柳絲絲盡日閒花事從來紅藥後  
誰家高宴翠微間一時冷雨碎檐瓦二月春雷訇石關  
坐待華堂新月上飄然騎鶴帶雲還

亂世草茅難自料迷樓燕雀不知焚戈揮日月塵揚海  
雷掃山河箭射雲南國香消猶在望東京曲奏爲誰聞  
天無今古心匪石早有龍飛晉水潰

尹尙書元長重鎮兩江

十年未敢沐清光直爲尙書鎮故鄉自喜八旬猶客路  
剖符又得值維揚洛陽相似青山待江水新清白晝長  
一芥布衣何用問至今全陝凜冰霜

贈李茂才

雲火蒸烟老病愁那堪藥餌亂相投一絲氣咽餘生盡  
三日魂迷到處遊天上難廻星左轉人間誰障水東流  
忽開雙眼心猶在識得平陽李鄴侯

自壽

歷落欵奇八十年聊於火裏放青蓮江湖不濕芒鞋底  
日月都飛柱杖前電戟霜戈花夢雨筆牀茶竈醉逃禪  
憑誰一借揚州鶴揮手西歸大華顛

雲山閣玩月

東園嘉會又中秋不改晴光舊酒樓風月有情雲北去

亭臺長在客西遊天香帶露滋蘭晚劍氣飛花逆蒯緜  
曉徹霓裳猶未曉紅橋綠柳更移舟

留別江賓谷蔗畦昆仲

少壯離鄉今始還苟家兄弟獨蟬聯客心遲溯江頭水  
秋色偏催漢口船風葉無端淹日月筆花有道落雲烟  
每代予書重來相送揚州路爲問何如二十年未增一人

黃鵠樓

青蓮不敢題詩處老去何心上此樓荆楚鶯花俱寂寂  
神仙鐘鼎兩悠悠扶桑影落陰青海沙磧塵飛到十洲  
四面湖山誰是侷烟波江上喚新愁